



Republika e Kosovës

Komuna e Drenasit

Kuvendi i Komunës



Nr. 02-060/04-48551 dt. 19/09/ 2022

Procesverbali i Dëgjimeve Publike për listën e Projekteve kapitale për Buxhetin e vitit 2023 dhe projeksioneve për vitin 2024-2025

Dëgjimi buxhetor është mbajtur në bashkësinë lokale në Drenas me fshatrat (Drenas I, Drenas II, Drenas III, Pokleku i Ri, Pokleku i Vjetër, Vasilevë, Gllobar dhe Shtrubullojë.



Njoftimi për organizimin e dëgjimeve publike për listën e projekteve kapitale për buxhetin e vitit 2023 dhe projeksioneve për vitet 2024-2025 u bë me dt: 01.09.2022 në ueb faqen e komunës së Drenasit, në këtë vegës: <https://kk.rks-gov.net/gllogoc/nees/ftese-per-degjime-publike-per-listen-e-projekteve-kapitale-per-buxhetin-e-vitet-2023-dhe-projeksioneve-per-vitet-2024-2025/> në harmoni me afatet ligjore që i përcakton udhëzimi Administrativ si vijon:

Bazuar në nenin 68, paragrafi 68.1 të Ligjit Vetëqeverisjes Lokale Nr.03/L-040, nenit 72 të Statutit të Komunës së Drenasit, Nr.110-6904 i dt. 24.09.2008 dhe Propozim ndryshimin e Statutit të Komunës nr. 112-10030 i dt. 16.02.2018, si dhe Rregullores Komunale për Transparencë nr.i protokollit 12-030-63551 i dt. 30.10.2019 dhe nën organizimin e Kryesuesit të Kuvendit Komunal dhe Anëtareve të Komitetit për Politikë dhe Financa organizohen 8 dëgjime publike me qytetar për listën e Projekteve Kapitale për buxhetin e vitit 2023 dhe projeksioneve për vitet 2024-2025.

Me qëllim të rritjes së nivelit të transparencës e llogaridhënies dhe për t'i mbajtur sa më të informuar banoret e Komunës së Drenasit, rreth orarit dhe vendit të mbajtjes së dëgjimeve publike me qytetar janë bërë me kohë planifikimet dhe është publikuar me kohë kalendari i orarizimit të dëgjimeve publike në ueb faqen zyrtare të komunës si dhe në rrjetin social facebook, njoftimi në këtë vegëz: <https://kk.rks-gov.net/gllogoc/nees/ftese-per-degjime-publike-per-listen-e-projekteve-kapitale-per-buxhetin-e-vitet-2023-dhe-projeksioneve-per-vitet-2024-2025/>

Njoftimet përveç që janë publikuar në ueb faqen e Komunës së Drenasit në platformen për Konsultime Publike, në rrjetin social Facebook, njoftimet u janë dërguar edhe kryetareve të keshillave të fshatrave dhe lagjeve urbane përmes rrjeteve sociale Viber dhe WhatsApp.

Fillon cikli i dëgjimeve publike për Projektet Kapitale të buxhetit 2023- 2025

Komuna e Drenasit, përkatësisht Kuvendi Komunal dhe Komitetit për Politikë dhe Financa në bashkëpunim me Ekzekutivin e Komunës, kanë filluar mbajtjen e dëgjimeve buxhetore me qytetarë për të diskutuar lidhur me listën e Projektet Kapitale për periudhën 2023-2025.

Të premten me dt. **09.09.2022** në ora 15:00 u mbajt Dëgjimi buxhetor në bashkësinë lokale Drenas, Drenasi I, Drenasi II, Drenasi III, Poklek i Ri, Poklek i Vjeter, Vasilevë, Takimi u mbajt në SHFMU “Rasim Kiqina” Drenas.

Këto Dëgjime Buxhetore për Projekte Kapitale janë organizuar nga Zyra e Kuvendit të Komunës së Drenasit.

Takimin e tretë e prezantoi Udhëheqësi i Zyrës për Komunikim me Publikun Bekim Dobra, ndërsa merrnin pjesë, Nënkryetari i Komunës, Arben Shala, Kryesuesi i Kuvendit Komunal Milaim Hajdari, drejtorë të drejtorive komunale, administratorë të vendbanimeve, përfaqësues të lagjeve dhe qytetarë të tjerë dhe zyrtarët e zyrës së Kuvendit: Zahrie Podrimqaku-Subashi, Liridona Fejza-Ajazi, Erlona Gashi asamblistë, Besim Tahiraj zyrtar.

Pjesëmarrës në këtë dëgjim dhe zyrtar komunal ishin gjithsej 35 pjesëmarrës :

- Femra ishin: 11
- Meshkuj: 24

Të gjithë të pranishmit janë pajisur me materialet e nevojshme për të diskutuar. Ata para vetës kanë pasur draft-listën e projekteve kapitale si dhe draft-buxhetin për vitet 2023-2025 dhe pasi kanë paraqitur kërkesat e tyre kanë marrë përgjigje për kërkesat e parashtruara.

Ndryshe, buxheti i përgjithshëm i Komunës për vitin 2023 është 18.156.892.00 euro, ndërsa nga kjo shumë për investime kapitale janë planifikuar 6.335.649.00 euro apo 34.89%.

Takimet për Listën e projekteve kapitale do të zhvillohen më këtë rend dite.

1. Lista e projekteve kapitale për vitet 2023-2025,
2. Prioritete tuaja.

Të pranishmit kanë paraqitur kërkesat dhe nevojat e tyre për të cilat kanë kërkuar të futen si Projektet Kapitale 2023- 2025.

Bekim Dobra, pasi përshëndeti të pranishmit, theksoj se lista e projekteve kapitale është e një rëndësie të veçantë për vendbanimet e Komunës së Drenasit andaj ju qytetar, duhet të shfrytëzoni të drejtën tuaj dhe të caktoni prioritet për vendbanimet tuaja në mënyrë që të përcaktohen sa më mirë prioritet tuaja. Këtë rendësi të veçantë ku do na shërbejë që të përcaktohen prioritet për vendbanime, lagje, dhe lista e investimeve kapitale të jetë sa më e kompletuar, dhe të i përfshij nevojat e vendbanimeve tona, për të përmirësuar jetën tuaj.

Milaim Hajdari- Kryesues i Kuvendit Komunal, Të nderuar të pranishëm,

Mirë se keni ardhur në këtë takim të thirrur nga Kuvendi i Komunës, në bashkëpunim me Drejtoritë Komunale.

Jemi mbledhur sot në këtë dëgjim buxhetor për të diskutuar draft-Listën e Investimeve Kapitale për vitin 2023 dhe projeksionet e investimeve për vitet 2024, 2025. Siç ju tregoj edhe shefi i Zyrës për Informim, Bekimi, kjo listë ende mbetet si draft deri në miratimin e saj në mbledhjen e Kuvendit më së largu me 30 shtator të këtij viti, prandaj është mirë që të fokusoheni në këtë listë që keni para vetes dhe të jepni propozime, ide konkrete të projekteve që janë me interes të përgjithshëm të vendbanimit që ju përfaqësoni.

Komuna me kohë ka bërë njoftimin dhe ftesën për mbajtjen e këtij takimi ndërsa që nga muaji Maj i këtij viti, pasi që kemi pranuar Qarkoren Buxhetore, kemi ftuar ekspertet, OJQ-të, Shoqërinë Civile dhe profesionistët për të kontribuar në hartimin e këtij dokumenti.

Komuna e Drenasit shquhet për transparencë e llogaridhënie, ndaj me kohë ka bërë publike, Draft Kornizën Afatmesme Buxhetore 2023-2025 dhe draft-Listën e Investimeve Kapitale i ka publikuar në ueb faqen zyrtare të Komunës. Këto dy dokumente janë votuar në mbledhje të Kuvendit dhe na kanë dhënë dritën jeshile për të dalë në diskutim publik, këto dëgjime që po i mbajnë tani, ndaj kërkojë nga ana juaj që të diskutoni reciprokisht me qëllim që të behët një përmbledhje me interes të përgjithshëm për të gjithë qytetarët e Komunës së Drenasit. Presim komente, projekte e ide që të futen në këtë listë sipas mundësive buxhetore, para se i njëjti dokument të miratohet në mbledhje të Kuvendit.

Ju faleminderit shumë që keni gjetur kohën të jeni pjesë e këtij takimi.

Hajrush Musliu, Fashti Shtrubullove- si kërkesë primare e fshatit tonë është:

- Kur përfundon rregullimi i lumit “Drenica”
- Asfaltimi i dy rrugëve- rruga ” Brahim Muslija” dhe rruga “Burim Sahiti”
- 6 shtëpi me i furnizu me ujë të pijes, tek lagjja Hajdari
- Rregullimi i Kanalizimit- nga lagjja Hamza deri tek Lagjja Musliu.

Besim Tahiraj, Zyrtar në Infrastrukturë Lokale, lumin “Drenica” e kemi bërë pastrimin e lumit, kolektorët do ti vendosim, është në kontekst pa u bo shpronësimi nuk mundemi të bëjmë asgjë, sa i përket rrugës pritët me u rregullua, ndërsa sa i përket uji të pijes duhet me bisedu me ujësjellësin dhe duhet me e gjet mundësinë që ta rregullojmë.

Afrim Gjeli- Administrator i fshatit Poklek i Ri, kërkesat me primare për fshatin Poklek i Ri janë:

- Legalizimi i pronave në Poklek të Ri kur bëhet?
- Rregullimi i ndriçimit publik.
- Rrethojat e varrezave- rregullimi i tyre.

Besim Tahiraj, Zyrtar në Infrastrukturë Lokale, sa i përket ndriçimit publik projektet që kemi lidhur një kontratë me operatorin ekonomik do të vazhdojnë deri në përfundimin e tyre, Ndërsa sa i përket çështjes së legalizimit është nën përkujdesjen e Ministrisë së Mjedisit dhe planifikimit hapësinor.

Jahir Beqiri-Drenasi II, kërkesat me primare për Drenasin II janë:

- Asfaltimi i tri rrugëve që kanë mbet në gjysmë.
- Rregullimi i Kanalizimit tek Lagjja Rrukiqi Rruga ”Fehmi e Xhevë Lladroci”

Besim Tahiraj, Zyrtar në Infrastrukturë Lokale, sa i përket rrjetit të kanalizimit 95 % e fshatrave do të përfundon rrjeti i kanalizimit. Rrugët janë në proces.

Egzona Tërdec, fshati Gllobar, kërkesat me primare për fshatin Gllobar janë:

- Asfaltimi u rrugës në Gllobar- behet fjale për rrugën “ Behram Morina” dalja e dytë në të djathtë.

Murat Elshani- Fshati Gllobar, kërkesat me primare për fshatin Gllobar janë:

- Rregullimi i Trotuarit- tek pishat në fshatin Gllobar

- Rregullimi i ndriçimit publik
- Rregullimi i Kanalizimit
- Fushë sportive në fshatin Gllobar.

Besim Tahiraj, Zyrtar në Infrastrukturë Lokale, aty ku ka shtylla të betonit rregullimi i ndriçimit publik do të përfundoj kete vit në shumicën e fshatrave në Komunën tonë. Ndërsa sa i përket fushës sportive e kemi nda hapësirën dhe do t'i zhvillojmë procedurat. Sa i përket kanalizimit të ujërave të zeza e kemi lidh kontratën me operatorin ekonomik dhe do fillojmë me punimet se shpejti.

Skender Hasi- Drenasi II, kërkesë primare për Drenasin II është:

- Rregullimi i kanalizimit- tek rruga "Fatime Hetemi" dhe rruga "Antigona Fazliu"

Hasan Seferi. Drenasi II, kërkesë primare për Drenasin II është:

- Rregullimi i Kanalizimit tek Rruga "Fehmi e Xhevë Lladroci"

Zekë Kluna, Administrator i fshatit Poklek i vjetër, kërkesat me primare për fshatin Poklek i vjetër është:

- Rregullimi i ndriçimit publik.
- Rregullimi i Trotuarit.
- Asfaltimi i disa rrugicave në Poklek të Ri.
- Në fshatin Poklek i Vjetër është burimi u ujit të gazuar- kërkoj me rregullua atë pjesë tek burimi.
- Kërkoj rregullimin e urës kaluese mbi lumin "Drenica" nga Pokleku i vjetër që lidhet me Drenas.

Besim Tahiraj, Zyrtar në Infrastrukturë Lokale, rregullimi i dritimit publik do të përfundon këtë vit, ura është në proces,

Pasi nuk pati diskutime, kërkesa apo sugjerime të tjera takimi përfundoj rreth orës 16:10 min.

